



Број/Број: 04/2-50-10-12/06
Сарајево/Сарајево:28.2.2006.

ZAPISNIK
SA 12. SJEDNICE ZAJEDNIČKE KOMISIJE ZA EVROPSKE INTEGRACIJE

Sjednica je održana 28.2.2006. sa početkom u 14:00 časova.

Sjednici su prisustvovali: Fatima Leho, predsjedavajuća; Filip Andrić, prvi zamjenik; Vinko Radovanović, drugi zamjenik; Branko Zrno, član; Mehmed Suljkanović, član; Selim Bešlagić, član; Milorad Živković, član; Nenad Mišić, član, Osman Topčagić, direktor Direkcije za evropske integracije; Dragan Mrkalj, stručni savjetnik u Direkciji za evropske integracije, Amra Hodžić viši stručni savjetnik u Direkciji za evropske integracije, Jelena Rajaković, sekretar Komisije.

Odsutni su bili: Ilija Filipović, Boško Šiljegović, Halid Genjac, Hilmo Neimarlija .

DNEVNI RED

1. Usvajanje zapisnika sa 10. i 11. sjednice Zajedničke komisije za evropske integracije PS BiH
2. Izvještaj sa prve runde pregovora o Sporazumu o stabilizaciji i pridruživanju, i konsultacije oko naredne runde pregovora.
Izjestilac g. Osman Topčagić, direktor Direkcije za evropske integracije
3. Pripreme za zasjedanje COSAP-a u Zagrebu, 5.i 6.mart 2006.
4. Tekuća pitanja:
 - Izvještaj sa Regionalnog seminara o parlamentarnoj demokratiji i evropskim integracijama, 2.- 4. februar, 2006. Ljubljana
 - Informacija o Sporazumu o stabilizaciji i pridruživanju
 - SEECP-Atina, 16.-18. mart 2006.
 - Pakt stabilnosti, Solun, kraj marta 2006.

Ad.1. Usvajanje zapisnika sa 10. i 11. sjednice Zajedničke komisije za evropske integracije PS BiH

Komisija je usvojila zapisnike sa 10.i 11. sjednice Komisije

Ad.2. Izvještaj sa prve runde pregovora o Sporazumu o stabilizaciji i pridruživanju, i konsultacije oko naredne runde pregovora.

Izvjestilac g. Osman Topčagić, direktor Direkcije za evropske integracije

g. Osman Topčagić je izvjestio prisutne o prvoj rundi pregovora o sa Evropskom Unijom o Sporazumu o stabilizaciji i pridruživanju, koja je održana 25.1.2005. istakavši da se radi o zvaničnoj,odnosno političkoj rundi.

Zvanične runde pregovora se, pored različitih tema o kojima se pregovara, razlikuju od tehničkih po tome što Evropsku uniju tokom zvanične runde predstavljaju Evropska komisija i zemlje članice Unije,a na tehničkim rundama se pregovara isključivo sa Evropskom komisijom.

Govoreći o prvoj rundi,g.Topčagić je izrazio zadovoljstvo tokom pregovora na kojima se Bosna i Hercegovina pokazala kao kompetentan i dobro pripremljen pregovarač,što je stvorilo dobar utisak kod onih koji su bili skeptični u vezi dinamike pregovaranja o Sporazumu.

g. Topčagić je rekao da se već krenulo u pripreme za narednu,tehničku rundu pregovora koja će se održati 17.marta 2006. i ponovo istakao da je za nas najvažnije pitanje tranzicioni period. Govoreći o tome,naglasio je da EU insistira da ovaj period traje 10 godina ,a BiH očekuje da tranzicioni period ne bude duži od 8 godina, zato je BiH pregovaračka strana odlučila da ovo pitanje otvori nakon druge ili treće runde,budući da je EU potrebno neko vrijeme da vidi koliko je BiH spremna za ovaj proces.

g. Topčagić je istakao i značaj dokumenta "Evropsko partnerstvo" budući da napredak pregovaranja direktno zavisi od ispunjavanja obaveza iz "Evropskog partnerstva".On je rako da će ovaj dokument biti dostavljen Zajedničkoj komisiji za evropske integracije PS BiH nakon što se oko njega usaglasa predsjedavajući Savjeta ministara BiH i premijeri Republike Srpske, Federacije Bosne i Hercegovine i Brčko Distrikta.

Članovima Komisije je su dostavljeni Zapisnik i Uputstva i preporuke sa prve zvanične runde pregovora o Sporazumu o stabilizaciji i pridruživanju.

g. Milorad Živković je istakao da treba postići veće jedinstvo između Parlamentarne skupštine BiH i izvršne vlasti BiH s ciljem uspješnijeg pregovaranja. On je postavio pitanje da li je tačna informacija da Direkcija za evropske integracije predstavlja određenu smetnju pregovaračkom timu prilikom korištenja budžetskih sredstava namjenjenih za pregovore i dodao da ne bi želio da zbog nekih eventualnih rivaliteta bude doveden u pitanje uspjeh pregovora.

g.Topčagić je reko da postoji odluka u skladu s kojom se sredstva raspodjeljuju i putem kojih se finansira Glavni pregovarač i određeni broj saradnika i da nije upoznat da u vezi s tim postoje problemi.

Ad.3. Pripreme za zasjedanje COSAP-a u Zagrebu, 5.i 6.mart 2006.

Dogovoreno je da članovi delegacije koja će učestvovati na zasjedanju COSAP-a 5.i.6.marta 2006. u Zagrebu pripreme izlaganja po tačkama dnevnog reda.

O Funkcionisanju i ulozi COSAP-a u odnosu na zaključak XXXIV COSAC-a, odlučeno je da će govoriti g. Branko Zrno,.O Saradnji među nacionalnim parlamentima SAP zemalja sa Evropskim parlamentom kroz aktivnosti udruženih parlamentarnih komisija govoriće g.Nenad Mišić.

O raspravi o Komunikatu Evropske komisije od 9. novembra 2005. i zaključcima Savjeta od 12. decembra 2005. koji se odnose na strategiju proširenja i Mapu puta za Zapadni Balkan govoriće g. Halid Genjac.

O tački dnevnog reda "SAP zemlje i finansijska perspektiva EU 2007-2013, predviđeno je da govore svi članovi delegacije

Odlučeno je da će umjesto g. Mehmeda Suljkanovića, na II zasjedanje COSAP-a u Zagrebu, učestvovati g. Selim Bešliagić.

Ad.4. Tekuća pitanja:

- **Izveštaj sa Regionalnog seminara o parlamentarnoj demokratiji i evropskim integracijama, 2.- 4. februar, 2006. Ljubljana**
- **Informacija o Sporazumu o stabilizaciji i pridruživanju**
- **SEEC-Atina, 16.-19. mart 2006.**
- **Pakt stabilnosti, Solun, kraj marta 2006.**

-O Regionalnom seminaru o parlamentarnoj demokratiji i evropskim integracijama govorio je g. Selim Bešliagić.

On je istakao značaj jednog od zaključaka seminara u kome se preporučuje bilateralna saradnja između parlamentarnih delegacija kao jedan od načina za rješavanje pojedinih istaknutih pitanja između zemalja.

U skladu s tim g. Bešliagić je predložio da se uputi pismo Parlamentu Slovenije u kome Parlamentarna skupština BiH poziva delegaciju ili komisiju tog Parlamenta da se otvore razgovori o neriješenim socijalnim pitanjima (posebno pitanje deviznih štetiša Ljubljanske banke) između ove dvije zemlje.

Zaključeno je da se do naredne sjednice Komisije pripremi pozivno pismo.

Članovima Komisije je dostavljen izvještaj sa ovog seminara.

-Prihvaćena je Informacija o Sporazumu o stabilizaciji i pridruživanju koju je za potrebe Komisije napravila privremeni sekretar.

-gđa. Fatima Leho je informisala prisutne o svom učeću na sastanku predsjedavajućih parlamenata, komisija za evropske integracije i komisija zaspoljne poslove zemalja učesnica u SAP procesu, koji će se održati u Atini od 16. do 19. marta 2006.

-Zaključeno je da se kontaktira nacionalni koordinator za Pakt stabilnosti povodom detaljnijeg informisanja o predstojećem seminaru o evropskim integracijama u okviru Pakta stabilnosti u Solunu, krajem marta 2006.

Jelena Rajaković

Privremeni sekretar
Zajedničke komisije za
evropske integracije PS BiH

Fatima Leho

Predsjedavajuća
Zajedničke komisije za
evropske integracije PSBiH